



曾入龙(贵州·安顺)

菩萨蛮

一枝花落春风里,一枝花落春江水。
江上水如天,花香凝作烟。
春风吹渐起,花影春江底。江底有鱼儿,
衔花去不回。

过未名湖

柳丝斜处系云衣,塔外风转水一围。
闲鸟二三湖上过,才沾微雨即飞飞。

水调歌头

一笏插云海,今古独超然。有峰千朵于此,拥月上层巅。欲挟烟波濯足,或以鸟声洗耳,幽处识清欢。来去复长啸,风雨任流连。陡崖间,苍岩外,立中天。不妨一笑,恍惚之后即神仙。目断数丛花色,梦绕几回圣境,峡谷抱溪眠。做个渔樵者,松下话馀闲。

何 鹤(北京)

临江仙三首

别后红笺诗句冷,依稀点点星光。青天碧海两迷茫。几回明月里,码字补忧伤。久会伊人憔悴意,无非一枕归郎。可怜云梦水中央。思君何惧远,寸寸用心量。

那夜寒霜怜叶冷,春心流落谁家?最难辜负是年华。随缘缘亦尽,寻梦梦无涯。回首曾经多感慨,犹如聚散烟霞!枯藤横向老篱笆。斜阳能几许,一曲浪淘沙。

弹指之间多少事,都成过眼云烟。曾经青涩那些年。真情知几许,旧诺已无言。毕竟潮来潮复去,人生只可随缘。垂竿觅句自悠闲。挥毫凭逸兴,风月不相干。

张海燕(浙江·余姚)

小麻雀造访,诗之

蓬门日日开,不碍绿生苔。
诗向闲中拾,客从天外来。

屋内漏水,脸盆接之

雨儿来破屋,天意怜幽独。
相将夜半时,卧听叮咚曲。

再题凤仙花

又见斑斓杂草堆,芳馨无梦到春台。
红花粉萼为谁秀,犹共蓬窗风雨来。

陈修歌(新疆·石河子)

夜读曹子建

静夜茶香袅,吹帘宝鉴圆。
吟哦庭树下,之字小窗前。
思接曹家子,神游白马篇。
长嗟斟一盏,洒地敬先贤。

浣溪沙·初夏夜游

且共蔷薇被酒酣,娇娇花面泛梨
涡,清圆启口踏吴歌。 亭榭穿风
香馥郁,竹林筛月影婆娑,白螺杯里
探星河。

周晓莹(新疆·鄯善)

咏杏花

玉骨雪肤飞落虹,清芳不与俗香同。
官墙细雨疏帘外,古塞斜阳长笛中。
岂厌杜郎思梦好,休怜帝子恨天工。
幡然回首应深忆,花是少年依旧红。

瑶阶草·卷帘人

飞来碧霞客,旋脱黄金铠。丹颊
香轻,风液笼薄靄。夜阑月损,缓歌天
际,巽风吹黛。不堪梦成沸海。

泊孤艇,黯山如怒,雨翻杏雪沧
桑界。踏破芒鞋,赤沙漠漠残阙在。夕
阳滉漾,彩楼艳曳,玉娇盼顾,卷帘笑
我憨态。

徐登峰(上海)

偶遇贾红鹰女士

莺啼翠柳小园门,衢曲清幽染露痕。
莫道谗言能卷浪,霞心映月写诗魂。

登远眺楼

斜阳煮雪博峰头,云舞长街半隐幽。
磬伴钟声传禅意,绿莺啼柳客登楼。

朱思丞(江苏·南京)

守边吟(四首)

春分

边地春分对大荒,一轮寒月出枪膛。
东风已送消息至,即日来清眉上霜。



清明

君问关陲雨露新，山花烂漫好游春。
 昨宵班长巡边境，清早归来霜满身。

端午

碧波轻荡夜微凉，哨所何来粽子香？
 我用云烟包海岛，天边渔火最先尝。

除夕

风满营门星满天，钢枪斜挎过新年。
 边关守岁不孤寂，我与雪山肩并肩。

涂运桥(湖北·武汉)

赠抗洪一线战友

最是新洲百姓愁，连宵暴雨未曾休。
 大堤决口民居涌，险地冲锋将士留。
 沙袋双肩生烈火，泥浆满脸驭方舟。
 长缨在手苍龙缚，纵使风高起浊流。

浣溪沙·自题“诗警印象”文化墙

堪叹雄怀难掩藏，清词赢得警营香。
 任凭二十二年霜。旧马路中寻旧韵，
 新天地里照新妆。甘为基石固家邦。

张友福(云南·嵩明)

偕妻晚步村中

通幽村巷晚来行，烟雨如纱鉴此情。
 伞下一双心已醉，手牵手在走人生。

偕妻女广场跳舞

月色今如玉满空，漫偕妻女踏薰风。
 暂抛尘虑此心放，得释雅怀其乐融。
 套马杆闻手机里，拉丁舞跳广场中。
 侧身灯下欣然看，两朵花儿别样红。

李 远(浙江·桐乡)

题骆宾王

一生事业付行吟，西陆谁知鬓影深。
 若使庙廊欣见用，何劳帝诏苦追寻。
 诗留塞北书声远，檄动江南剑气森。
 堪叹才优终避世，山房千古只僧临。

迎新春咏梅花

笑迎飞雪与寒邻，抱梦凌霜自守真。
 素有高情留淡雅，更无秾丽斗妍新。
 暗香总绕千家月，疏影难沾一抹尘。
 唤得春归甘寂寞，清名不籍颂声频。

张雄珍(浙江·嘉善)

游西海大峡谷

峡谷绝嚣尘，图开幻亦真。
 履危松偃仰，斗巧石嶙峋。
 岂意寻丹药，相疑隐凤麟。
 此期常驻足，来共白云亲。

南京大屠杀七十九周年感作

长鸣警报未阑珊，七十余年泪不干。
 血洗金陵冤魂泣，烟熏碧草故园残。

空闻怒浪拍江岸,但见阴云笼岭峦。
勿忘邻边多鬼魅,长缨紧握抱成团。

汪玉伍(湖南·汉寿)

题等待

渴饮相思犹未满,扶头不过半杯多。
尘中风物真成各,忆里欢情仍自呵。
此夜寒灯空暗淡,那时明月照婆娑。
为添梦里青山媚,一任春潮涌怒波。

楚宫春慢

缤纷欲折,渐摊破春心,花影明灭。
小叩梦扉,谁许流云裁月?多少芳情绿意,
已倦在、楼头山末。偶尔天真,终不抵、满目风尘,
旧时竹音吹裂。浮华检点,空念念、秋水长天曾别。
青鬓见怜,笺底无由倾徹。算有柔丝寸结,
只故作、香痕频拨。几度销魂,更哪堪、燕迹鸿踪,
认取繁红时节。

功 卓(浙江·绍兴)

赠 别

微雨愁云风细细,飞英塔顶照流银。
一封书信一行泪,半缕青烟半亩蘋。
日暮苍山疏影落,夜阑明月淡香陈。
明朝走马关山去,旧地重游万木春。

仁皇山秋行

远眺康峦趋对望,太湖浩渺玉龙翻。
山风渐醉吟阶草,秋色微醺倚画栏。
憔悴花容深倦悴,阑珊意绪怯阑珊。
霜天野柿缘幽道,向晚孤悬半月残。

方建飞(浙江·平湖)

洞仙歌·丙申五月廿一,阴雨。偕公司同仁游长兴图影湿地,时开发未几,古风犹存。

山图水影,更茫茫烟雨。芦叶摇摇满汀渚。
碧波开,两岸清气相迎,谁惊起、几点翩翩鸥鹭。
倚舷舒望眼,绿涨菱田,风举新荷暗香吐。
细燕入乡楼,犬吠鸡啼,繁阴裹,人家几户?
直若是桃源武陵舟,向梦里寻来,不知归处。

浣溪沙

借得今宵酒一壶,方城酣战论赢输。
烽烟散尽阮囊枯。夜半清风吹暑气,
天心明月照归途。满怀尘事暂消除?

孙晓飞(上海)

题牧牛

圆日东升薄雾收,浅调红晕抹清流。
和风闻得笛声细,驮出村童一老牛。

卜算子



尽日赏花枝,赏到花枝瘦。始觉
荣枯自有时,哪管眉双皱。拟语
斥酸风,风笑卿知否:来岁春归锦绣
同,独老怜香手。

沈 川(山东·烟台)

谢桥小雪感怀

桥成孤影梦成沙,惻惻吞声感物华。
小雪犹嘶惊病叶,亏蟾未肯咽晴霞。
笑多狂止终成涕,猛忆无及已忘花。
餐少谁人知劝解,勿修星鬓为伊加。

啸 尘(江苏·泗洪)

过老宅旧址

当年流水绕芳村,此际楼高高入云。
多少亲邻鸟兽散,霓虹灯里掩黄昏。

外滩即景

闲鸥无事几翔徊,堤畔凭栏望眼开。
万国楼台留胜迹,一湾江水荡尘霾。
朝阳勃勃波中起,凉气森森海上来。
往事难堪怕重演,他年无使后人哀!

沈旭娜(浙江·慈溪)

昔 持

昔持长镵白木柄,春犁黑土秋芟莠。
背上青云薄似烟,田头黍谷瘦如影。
闻说江潮日涌起,也拟擘浪飞双楫。

妻子牵衣送将别,别时夜凉风声湿。
间道蜿蜒向京华,回首故乡日已赊。
眼前高楼幻海市,脚下奔流逐香车。
一宿宾馆三月粮,旋转门前久彷徨。
门外鲜衣策怒马,门内吧台射金光。
两厢映入门镜里,中隔一身破行囊。
主人恩重许自荐,从此端菜兼奉汤。
跌宕笙歌夜半时,升平气象今始知。
美人与酒皆易醉,醉里春光意迟迟。
重帘不卷千里月,应使多情悔分离。
金尽人去梦初醒,忽见家书愧又惊。
不信褚小非短绠,辗转珠江深广行。
珠江水阔源乌蒙,万里奔腾善盘龙。
商场谍战不见血,惯见败寇与英雄。
十年生死过河卒,万贯辛苦阿堵物。
踌躇不思衣锦归,挥戈再向股市发。
小游戏能恃本色,大时代难寻规则。
七分天下渐属秦,散户仓惶俱窜北。
望中宫阙轰然倒,壮心摧折如偃草。
带天平芜接青山,襟上玉露伤怀抱。
老侵潘鬓如衰柳,息心每于霜雪后。
田园荒芜归不得,长镵锈蚀木柄朽。
蓬头荏苒生何丑,扫他灰尘糊我口。
樟树换叶梧桐落,烈日冰渐未离手。
长镵荏苒何相似,余生可托唯有此。
等闲来去如云浮,我身只在葛天氏。
君莫笑我无所求,长衢往返自优游。
江北雾霾江南雨,都是人间别种愁。

新 集

浙江经济职业技术学院学生习作选

林永杰 乌夜啼

浩浩长风万里，
冥冥浊海无涯。浪拍
雪花深深处，隐约有人家。
罟网丝丝密布，方塘错落如
麻。主人取酒相对
饮，醉梦到天涯。

杏园春·老街憩影

青砖累瓦乌篷，
纤纤细柳扶风。丝纹
椅聚白头翁，喜相
逢。溜光石碎陈年事，琴声渐起
还浓。回廊歌曲绕西东，夕阳红。

春从天上来

缥缈微星，恰白月高悬，不见荧
荧。山下光景，半片虚明。我欲举酒飞
觥，对明清官苑，叹水调，寄意壶冰。
又迟迟，待三更夜静，一醉孤亭。
当时禁城烟色，只梦里逢迎，乍对银
屏。南国歌声，故人言语，鸿雁万里留
馨。愿随风归去，栖何处，雨打浮萍。
乱鸦鸣，把一怀愁绪，吹与谁听。

杨乙戎 中秋月

去岁今宵何处看，薄云但绕美婵娟。
月沾凉意忧何解，且饮此杯休怅然。

宋燕莉 江月夜

夜来浮桂香，碧水漾流光。
对月引杯醉，梦中回故乡。

莫小凤 中秋

中秋谁记团圆日，唯我悠然在异乡。
欲念家人情不已，清风伴月倚钱塘。

陈敏洪 夜留觞

明月浮光夜未央，翩翩洒落露凝凉。
知谁梦醒泪沾枕，倚槛独留一夜觞。

袁小婷 夏雨晚晴

斜雨穿帘杨柳低，池塘波漾蛙声起。
轻舟倦卧采莲归，夜明如水清风里。

张 飞 春日随笔

去岁今朝渭水边，桃花飞柳梦江南。
今朝却处钱塘畔，春色依依撩我探。

刘荣旭 离枝

溪映桃红春欲染，东风一槛燕难衔。
寒食三月愁肠雨，落尽青山孤冢烟。

梁语彤 春夜

缕缕轻风阵阵寒，朦胧月色不堪看。
春宵懒困人声寂，嫩叶娇花倚画栏。

袁爽爽 忆江南

东风破，杯锁万般愁。一曲终时
还一曲，人生如梦曲悠悠。醒后坐西
楼。

冯露琪 忆江南

江南景，山绿水长流。秋落麦田
金灿灿，春归燕子语幽幽。花绽未曾
休。

